

余弗能詩而愛讀三百篇之詩。且愛孟氏
知人論世之說也。嗟乎。人以詩傳。則詩豈
徒詩哉。癸亥秋。觀伯容太史手賧集。一
編示余。曰。此廌青山人詩也。始讀之。淵然
以古。炳然以刪。浸淫乎漢魏。初盛唐諸家。
而歸本於少陵。曰。山人今之詩人耶。既而
好之又久而深嗜之。愛其言之有物也。其
品亮以潔。其志宏以遠。其氣蘆以平。其詩

遂以正聲律。蓋筌蹄云爾。不禁喟然曰。山人其有道者歟。山人隱於鴈峰之陰。迹其至。爲訪諸城南舊舍。時山人且病。握手卧榻。如平生歡。自是罕復相見。然三年來。予意中口中目中。蓋時時有鴈青山人矣。嗟乎。余與山人生不同里。長不同業。仕隱不同途。觀其詩。乃知而好之。敬之如是。後復有如余者。論其立。知其人。其欣喜向慕。必

於是詩乎。得之則詩之所以爲詩者。豈徒詩耶。蓋必如是而後可與言詩也。已矣。通州牧補堂杜君。刊其近稿爲後集。屬序於予。杜君蓋能知山人者。知山人亦可以知杜君矣。

乾隆甲子秋日味經秦蕙田

野人居草澤甚無事。遇物而笑。輒行歌以
遣興。然老眊。得便。隨手棄。所記錄者。歲不
過四五千言。初誦之。若可喜。經時自惡其
惡。又削其三之二焉。所存既寡。其造詣且
不逮疇昔之我。古人無論已。晉陸云。學如
川。然必卬浦而後大。予之卬浦也久矣。轉
就隘焉。悲夫。廌青山人李鑑自識。

曉巢後集

樂府

江南

江水是弱水。久已沉羽毛。江水自江水。我
豈無輕舸。中流渡鴛鴦。唼波影凌亂。鴛鴦
且莫起。我有好針線。繡在合歡被。與汝長
相見。

廬青山人李



雞鳴

喔喔雞初鳴。豺虎皆遁藏。平明害氣除。是
物無賊傷。下戶皆縑絲。埜田都插秧。父老
守里閭。望飽酒與漿。昨日里中兒。新娶好
女郎。頭上亦有釵。不戴金螳螂。耳上亦有
環。不綴明珠璫。頗能事井臼。又復親姑嫜。
有時弄柔瑟。奏宮不奏商。此聲布天下。萬
禩樂無疆。

艷歌何嘗行

白鵝亦已白。刷羽清江湄。白鷺不知與鵝
爭魚。解一謂魚潛矣。緝鱗跳波。或上或下。或
東或西。解二既果爾腹。翩然去之。尾接爾婦。
翼接爾兒。澤或有網。野有狸。起利爾肥。解三
大魚不樹標。至道必有歸。垂手雲中君。旦
暮招追隨。此樂信復樂。轉使他人悲。解四

怨詩行

白玉爲我齒。黃金爲我骨。我則長不死。直
與元氣結。理化既有期。胡不早決絕。飲酒
滿百斛。搯刀圖快割。毋使墟墓間。狐狸穿
夜穴。

悲歌

覆以文錦衾。望以白玉床。兩情相協洽。出
入無所妨。采繩不交絲。不得相合并。龍葦
不著體。誰能知溫涼。滑中既有道。寧使毋

甘膏。謂我好資性。不弱亦不強。謂我好語
言。不柔亦不剛。謂我好體段。不短亦不長。
稱情不在多。膠漆中腸。三女居上頭。美珠
韞東箱。寄言後來者。中道休徬徨。

西門行

上有倉浪天。下有泥桓淵。我昔降非之。與
君相周旋。周旋亦已久。日日同携手。濟則
則狐能先。願必狼從後。星漢且有岐。黃河

同多曲。倘汝有不信。使汝壽命促。

滿歌行

美人顏如花。鬢髮不屑髻。不但顏如花。纖
手裁縫細。鳳皇爲我媒。金珠爲我幣。爺娘
持我踵。姊妹刺我臂。一朝辭中閨。出嫁好
夫婿。薦瓜爲君醢。薦枣爲君羹。辛苦謹相
君。三季主時祭。鑽火苦飢熱。伐水增灶寒。
厭薄生心芒。美好徒萬端。

十五

轟轟陽陵山。涇渭相蕩斥。渭水清一寸。涇
水濁一尺。清濁雖不同。浮舟兩相直。斲彼
木蘭樹。作我好裝飾。葦漿蕩蘄風。佳人晚
無力。佳人祭成行。在遠誰有心。零露固可
蒸。徒然霑衣襟。

丹霞蔽日行

水石峻。南山高。丹霞蔽日成采旄。薄暮不

兩玄蟬哀號。魚鼈鱸鯉。不甘乾肺。今日寔
樂。違計其所。

大塘上蒿行

左佩劉郊。右擊衝牙。表曳阿錫。裏素紗。出
則翠黃在馭。青翰橫波。食則瓊靡。鑿粳。洪
蚶專車。客問我家。我家不遠。在西清之端。
文宗芝栢。蘭楹蕙櫺。娥媯獵颯。綉駟曼鬣。
物無遺好。舉用適吾。一身何論。豐嗇。取用

快意目前。我聞人云。歎不可長。樂不可極。
監門之養。古亦有。俎豆千秋。復何益。

鰕鮒篇

鰕鮒鰕鮒。汝量滿尺水。何以入滄海。游滄
海之東。蓬萊方壺。與丹邱。上有扶桑若木。
其華拂日。下有燭龍。閉目爲夜。開目爲晝。
語汝曰有。云無足取。語汝曰無。汝曰予評。
高明非神。神明寓之。靜狃非寂。煦嫗傳之。

借曰今不暇。疇能爲之後。

飛蓬篇

飛蓬不離土。不得爲飛蓬。編戶守故鄉。何以長西東。小人無世業。生長便爲農。十五二十時。裁作田家傭。流波漂邱山。安問栖直爲。異鄉豈異類。子孫常相欺。寧爲從軍兒。毋作流宕妻。從軍尚有方。流宕終何之。夫間必有遂。恤上必有塗。故鄉有歸路。餓

死者門戶。

當來日大難

駕青驪。駢駸牛。出皋蘭山。直上崑崙邱。求西王母不可得。歸來還作人間遊。人間偏仄。來日幾何。但見北邙之山。白楊如麻。纍纍彼塚。皆誰何。昨日前日。對酒當歌。

當墻歌高行

三人同言。遂成市虎。蝎諧傷心。乃有二五。

陰比厥偶。水從其下。絲有亂絲。愁有真者。
亂絲可斬。愁不可理。江籬杜蘅。在湘之溪。

當歎遊南山行

蹇衣陟南山。南山高參天。厚氣積溥博。遂
使品類繁。五金生與土。龍蛇羅中川。虎豹
宅其隈。樛楠鬱其巔。空蒙在虛北。萬有麋
生全。聖人納細物。天道張弓然。泝育無窮
已。終古長新鮮。

遠遊篇

天用莫如龍。地用莫如馬。人用莫如錢。乃
有長貧者。長貧遂長賤。豈無好親串。入門
色沮人。多時欠伸倦。秦亦不足之。楚亦不
足之。男兒會湏死。奔走良可嗤。瓊茅汝何
靈。龜榮毋我謀。憤迅出門去。去去今遠遊。
仙人不火食。可與長歸休。

塘上難為趨

短兵不及矛。長劍不及弩。龍戰誰當知。殺
人在深阻。快意貴斯須。毋勞多噢咻。柔道
不利遠。媚情必有所。子其尚我從。不則弩
戣汝。

前有千仞谿。茫茫轉深黑。夜久雨氣深。秋
風振叢棘。鶴鷗何方來。飢啼遠谿側。中有
烏鱗魚。蒙然散其墨。大海萬里送。伏陰宜
不測。崎嶇起尺間。無由問消息。

睫巢後集

廬山山人李 錯鐵君

詩

題涿水送別圖

圖有詩凡十一人。嚴繩孫陳其年

汪舟次朱竹垞姜西溟諸君作

膾膾周原平。白馬客何歸。我愛老成人。先
民古之遺。天畢弋神鷺。歲晚鴻則羣。高遠

颺羽翼亦足爲光儀。人生有遠心。託此宛
轉辭。可憐千載下。雅音久已稀。起采將離
花。將以遺贈誰。數君倘可作。語我長相思。

白溝河

萬里輕航犯海瀾。汴河人去故宮殘。可憐
一綫中原水。辛苦多時限契丹。
僕御歌呼過水津。白波如故柳條新。衣冠
獸向沙前拜。一祭當時絕吭人。

題謝皆人帶經圖

大道芬其端。五色目無主。誰爲有心人。千
載求一語。白雲麓高空。遙遙在秋渚。

人日招謝香祖馬大銓陸虔寔觀介
檀釋介閣雪亭茗酌梅花下分賦
得長短句

草色未受春風吹。新詩待向誰家題。牢愁
脉脉長不已。旦暮與誰同遣之。割豪豬。貫

美酒高馬健兒滿城走。非其所同不回首。
天令得廁諸君後。諸君龍蠖跡。大小隨趾
信。袞袞可聽裴逸民。香祖善談名理彈丸流轉吟
王筠。大銓工詩是日首唱五律二師文妙技雪上人。商絃
一叩涼颺新。雪師善琴智果且善鐘鼎文。介閣通篆籀
就中中郎忽起妙作古八分。度寔精漢隸即席臨史晨禮器
碑對之蕭然生遠神。使我相思懷化作春
江雲。梅花揭出真情性。人日懷香獸自春。

三月十有四日雨霽後行吟花下有

懷月坡公子大銓山人兼呈曉亭司農

碧山掩虛寂。但見紅花林。妙理無羸縮。春
情自淺深。雨餘翻熨眼。風定且關心。繁蕊
低枝裏多時惹獸吟。

步移隨影現。目轉復高低。晴雪連三月。幽
花在一谿。婦藏春酒滿。天阻美人西。未有
鳴珂興。胡馬滯馬蹄。

春山獸遊頗深相思之懷作懷人七

絕句

謝香祖

性愛蘭客久多歸心秋將還侑經堂故居

一卷新詩達旅情。望舒幾點謝宣城。侑經堂下清谿淺。早晚秋蘭帶雨生。

塞曉亭

官署如水晨夕咕畢作儒生咏尚滋味自云酷嗜石首魚

春水東南留一渠。蕭條官閣類貧居。津門昨報漁舸發。自笑公儀尚嗜魚。

馬大鉉

自謂清癯常被鹿裘卧一室高簡獨至

二月輕寒擁鹿皮。人間獸少馬青癡。夜來灶底無烟火。自咏梅花絕調詩。

石東邨

年四十九。其平生詩綽有任達之舉

韋曲相逢竟幾春。及今五十樂間身。舊傳衛國多君子。獨愛蘧君寡過人。

陳石問橋洲兄弟

井多才技淹留江鄉間利日且壯歸

兄弟江東歷歲時。江花江草繫相思。春風

五奏還鄉曲。蕭瑟廬陵墓下詩。

易淑南

辭多藻繪。畫則蕭爽。許爲我製。蘿村春秋二圖。

問訊枚臯中酒無。風簾香炷夜燈孤。梅花
十里蘿邛路。好寫春山第一圖。

王蘭谷

年少勇於學。有一日千里之勢。

古塞春寒藉酒消。知君吏隱近漁樵。宮人
爭咏甘泉頌。莫更花前賦洞簫。

寄贈陳盪公隱君

隱君未嘗謀面。因祝貽孫。僉而投
我書。爲我作生藏誌。

河漢各異流。誰辨將西東。百季日行邁。知
者審所從。方舟何所之。云彼秋水中。飄風
一以蕩。木末奪芙蓉。歸趣倘有懷。翼汝獲
飛龍。

百草無堅心。零霜悴寒渚。人生具本根。夫
豈無所樹。南中有儒士。潛光獎幽阻。振俗

懷憂端。千秋理微緒。

錦囊函古瑟。久默朱絲絃。平生不相識。豈敢求一彈。雅志通同人。不間山與川。南風播清音。聞者還三嘆。豈無馭南金。與彼青琅玕。報君以自修。毋令淋後言。

赭白馬歌為 慎王作

有馬有馬來自西。此馬不與凡馬齊。騰驤七日超厥母。習以衝勒裁能羈。方頭彊脊

狀殊絕。汗溝深入髀流血。毛梢淺白根薄紅。桃花色奪陰山雪。奔蹏桀驁自有心。有時獨立如沉吟。障泥在手不敢下。圍人惆悵秋垌陰。此馬稚竒能識主。獨肯當前歛其怒。人心馬力上下交。宛轉游龍為君舞。枉君青絲轡。辱君金盤陀。食君紅粟亦已多。未嘗一逞追風足。矧影秋陽奈老何。

烏馬歌為 寧王作

腰裏有種毛純烏。駕駘十駕都不如。若滅
若沒姿態殊。画工欲貌猶知踟。翁師伯樂
果安在。此馬尋常人亦愛。箭雲追電且勿
論。人心具足非殊類。秋風蕭蕭吹汝寒。彊
神不隕其中乾。皮骨散緩尾焦悴。有時還
睨金梁鞍。酸嘶一聲氣垂盡。三環主人泪
幾隕。僕夫廝養爭咨嗟。亡後斷雁同淒紫。
做帷埋馬古所聞。長歌吊之真有恩。楚莊

齊景太繆戾。愛物於此觀其仁。夕陽城郭
東郊道。搖落長楸生白草。土中枯骨且莫
朽。或有消人以爲寶。

畫鷹歌

豈有長風動陰壑。白日霜稜慘相薄。由來
焦墨枯燥行。碧海蒼鷹眼中落。青箬玉立
觜金削。猛擊誰能甘束縛。深目如愁西域
胡。殺機或伏條支雀。益州傅君技精妙。且

園創始君繼作。指画自高且甲肉迭役腕有神。紙上螭蜺聲郭索。裁成萬象聊斯須。三年一葉徒穿鑿。五陵公子見鷹喜。走馬街頭買生鷄。綠絨絲紅錦鞵。臂向南山看攫搏。傳君勸汝一杯酒。此畫雖奇人不取。君不見屠龍手。

畫魚歌

江湖之深不可測。錦鱗赤鬣何由得。繭絲

芒針機寔危。不但鶻鴟在其側。龍門直上凡幾許。能者乃傳飛龍翼。畫師畫魚不畫龍。波濤雷擊飛長風。君看善愛由強力。在汝揚馨一躍中。

同人落我壑舟書屋

挂席浮鷺瀾。莽渺終焉薄。小人遠其復。久矣悲飄泊。往聞東山田。近創西水閣。半壁聊受巧。方蓬不嫌箬。敢藉思光船。直寄蒙

莊聲。江烟曉月流。夜雨溪雲作。虛無妙鳥
用。咫尺生寥廓。而我折遠心。一切歸佳着。
天地有棲鷗。山川蟠曲虺。二三素心侶。尊
酒來相落。白雲媚空天。意態何綽約。海月
諒可拾。秋水無琅瑤。

題謝兼山先生晦迹圖

為其孫皆人作

零霜下江皋。皐蘭餘寸心。揭車與江籬。安
能知所任。薄言逝馨香。相思一何深。我昔

夢見之。道遠不可尋。寂寂銅官山。蕭蕭楸

樹林。中有古逸民。息景層雲陰。貞通王堵

節。王行儉堵肩錫以忠節顯先生以清恭著

虛比巢徐禱。鳴

盛徐枋李天植與先生拂天風振瑤琴。孤響寧消
沉。疏麻諒云薄。藉以遺所欽。

六月十六日夜坐月有懷王蘭谷

海月懸空白。能先天地秋。陰成不成語。草
露欲橫流。誰念狂奴老。君知獨客愁。自聞

都護曲。敢復唱涼州。杜于皇三君詩時還此軼而

索子近作故云

送別馬十三湘靈南歸省親

君有高堂在。誰能更阻君。大江下秋水。游子似歸雲。久客行囊少。三年舊稿焚。天涯好兄弟。回首雁行分。

客有以江南梅萼遺者謝以詩

我有秋蘭佩。無由贈遠人。君從越江上。一

寄嶺頭春。楚客清愁斷。湘娥素影陳。相思

滿襟裏。觸手雪香新。

贈吳隱君

湘則有蘭。澧有荃。含情抱質。秋風翻薄言。采之蕭艾繁。高江女兒刺。作文素絲觸。手雪紛紛。即之不見耳。則聞誰其匹。之吳隱君。

七詠有序

離羣而居同遊於秋山中者有數
君焉雜物我殊類而天趣則同作

七詠

蛩

所託既幽隱。能無哀怨繁。秋山自空響。芳
草似黃昏。汝豈知天意。愁真到耳根。避霜
牀下好。還藉主人恩。

翡翠

水咏矜長喙。烟栖藉翠衿。陂塘人不見。上
下爾何心。卧柳秋風弱。擎荷夜雨深。黃金
千不惜。防貼美人簪。

蝶

餘氣乾坤薄。遂令秋蝶黃。微生同是寄。春
色若相妨。帶露仍依圃。因風或過牆。蘼蕪
善將護。早晚上新霜。

鹿

萬壑羅叢莽。微行自有蹊。秋風陰磔曲。落日石梁西。擇音情真暇。懸庖命不齋。射生好身手。珍重寄巖栖。

鷹

衰遲不自振。蕭索涼秋天。有鳥應金氣。如人正少季。風霜蔽欵下。燕雀寂魚前。養爾驅除力。他時六翮全。

鱸魚

陰氣亦化物。忽緣寒雨生。沙明時一躍。藻密動群行。自信天全足。何妨水至清。長鯨數千里。曾否具同情。

雁

物類各有性。善君能自修。一行寧失序。萬里竟何求。碧水清湘岸。黃雲絕塞樓。有人垂白髮。相共老春秋。

九日漫興

萬事從來汗漫過。衰年無日不蹉跎。愁兼
落木飛翻起。病敵清谿浸潤多。神女峽江
徒入夢。靈巫荆社自成譌。常時亦作登高
會。詞賦於今竟若何。

山夜月

虛白開陰壑。清光寸寸生。人心不蒙昧。此
月共分明。墟落秋燈息。乾坤夜氣平。順時
兼適意。新續戶虫羈。

喜雪上人至

小犬吠如豹。孤邛黃葉飛。卷書落橫日。人
語到巖扉。此地相逢好。秋來見面稀。妙香
生滅處。微辨道人機。

生壙成作

封樹何妨踵舊文。王孫羸葬太空群。固應
無物還天地。或不將身玷水雲。蔓草任荒
江絕宅。青山聊識鮑昭墳。鼠肝虫臂他年

化。絮酒知誰吊鐵君。

宣德彝爐歌應 淳王教

淳王印中無不有。中有彝爐大如斗。足翻
雲葉能力支。耳偃蚰龍如急走。方底紀年
正書在。銘文不作偃與僂。爐之從來莫可
紀。五十餘季舍諸此。堂陰直與衆物并。光
怪每觸秋燈起。金人有口真自緘。心抱寒
灰冷於水。一朝拂拭爲時重。左右捧之顏

色動。金氣陽崖石孔融。寶華古竇清冰凍。

龍文甲父

并鼎名

却不前。玉箸錦帳殊功用。

有翅宣廟賢官家。鼓鑄此器何淫奢。首山

之銅十二鍊。裁成體質純精華。黃金玄錫

劑不足。重以紫礦安瀾砂。

時以三佛齊紫砒琉球安砂瀾及渤泥國

紫礦胭脂和之

爐成中使顧之笑。巧倕大匠徒咨

嗟。及今鼎草爐亦草。往往泥塗被人得。腹

斑或蝕翡翠青。膚澤動累塿基黑。彝爐獨

汝稱得地。今者裁升。響猶墜。主人三嘆起。
摩挲。古來每有升沉事。

奉陪 慎王登舞劍臺

客乘籃輿。王跨馬。盤空直造劍臺下。劍
臺石勢嶮不紆。鳥道一綫行亦無。狡騰虎
躍乃得上。竟若張翼凌天衢。馬首山鴨綠
水窟。不知千里與萬里。指頰蒼茫在眼底。
須臾肅。來長風。大王起。按蒼精。龍衛。

公之事。有無不可覈。

相傳李衛公舞劍于此。按

李勣也。豈請勣聲

近而誤與 回首高歌懷鄭公。

寶音主人臨况廡。青山莊敬賦四律。

阻絕蘿村路。樵蘇一二知。鶻別隱几得。蔬
食閉門宜。十室隨風俗。群生共歲時。自安
何點拙。却與竟陵期。

不惜肩輿力。能衝風磴寒。降尊祛騎從。肅
容盛衣冠。花底山蟲引。牆頭稚子看。平生

具真意。徒倚一憑欄。
餅色松花膩。羹香薤葉濃。野人無異味。君子尚清供。數見無相恩。包荒信有容。欣然對佳食。知己諒周顒。
當戶崖陰黑。餘寒到薄帷。脫身幽討足。歸興夕陽遲。蔓草承麟趾。桐花引鳳儀。寸心託春水。相送復相思。

蒲窪

伊祁山名山何蒼蒼。下有蒲水流。我欲尋其源。白雲方悠悠。山寒木葉脫。步屨東南陬。東南有門戶。峽石深相裒。趨下勢浸淫。一瀉不可收。飄風從西來。疾客長久留。微吟人不聞。寂寞還歸休。

北風篇送別馬五舍人

北風何蕭蕭。吹我離別情。離情信何物。乃與相思并。八月送君弟。十月送君行。霜雁

適南翔。後先君弟兄。君行何所。有一二同鄉。僮行李。初不多。荷負還彭亨。一頭裝破書。一頭擔敗簷。落日東都門。揮手辭親朋。翻嫌二疏去。祖道徒擔簷。潞潞潞。潞潞潞。河津岸。柳寒不青。布帆揚。其間擊汰。爲初程。今日又明日。但聞柔櫓聲。皖江不在天。一旦舟前橫。諸弟聞君歸。倒衣前將迎。見女聞君歸。翻倒蠶盞餅。阿母聞君歸。堂上張明燈。

十年申一拜。積念消春水。牽衣熨母顏。雖瘦神明清。危冠隱見鬢。但道裁星星。歡心食苦語。款語聊且停。寒窓忽焉曙。祭上栖雞鳴。久客心旌搖。旅夢猶宵征。西家父老來。勞苦問所更。在鄉苦不達。達則莫有成。昔我比隣兒。已作名公卿。一官會當調。胡乃君自輕。東家稚子來。捋鬚問神京。寶刀黃金裝。白馬紅繁纓。襍沓會廟市。喧闐琵琶

琵琶人云長安樂。語我長安城。河魚不上山。鳩婦不喚晴。人生天地間。各自有所營。顏叔寔有母。未嘗君之羹。茅容雖有婦。伏雌當自烹。其間有至性。匪以求令名。進尺退得寸。長短中心明。我歌壯風篇。君子尚靜聽。管樂豈不貴。不若閔與魯。

行吟石堂與山樵野話

峽勢相隱蔽。遂成寒翠堆。荒谿蝕秋水。虛

谷轉晴雷。步與此心遠。山因落照開。沙頭誰偶語。延佇野樵來。

十月

物情人事絕。道遙十月何傷草。木凋行處藩籬餘。筆研自來隣。比是漁樵。霜零衰鬢。心情在。門對寒山疾。痂消。故舊長安問踪跡。編題黃葉賦。鷓鴣。

朱絨玉周七峯自津門見訪賦贈

津柳不知數。連天到直沽。暮雲幾鴈下。寒
渚一舟孤。冰雪携詩卷。漁樵問老夫。可憐
徐孺子。猶及話生翁。故人徐芬若老死津門其遺文
後事莫可踪跡悲哉

易淑南自吳中以詩見懷賦答

大江西北流。離憂庶云解。今茲湘陰客。爾
在吳會。盈盈止一水。脈脈復誰對。烈士多
悲心。佳人持故態。歡娛滿眼前。得意非其
類。窮冬嚴氣薄。寒山淨如削。鴈鳴方在陰。

擊鳥遵其晦。情思係枯槁。新辭婉相慰。朔
風吹高雲。冉冉落江介。石蘭還贈君。歲晚

馨香在。來詩有心儀不可接
風吹石蘭香之句

正月十四日讀淵明詩慨然有作

種秫東皋下。歲晚甘棲遲。秉耒豈不勤。所
託良在茲。貴游自矜莊。不事鄉里兒。囊淵
下白日。世事或過之。東風扇芳春。有酒且
莫辭。酒人忘其天。甲子聊復知。高雲拂川

水與子同透迤。

慷慨篇贈大千子

鹿角可解不可拔。長蛇有鱗還自脫。丈夫
一身具肝膽。誰能鬱鬱使人久存活。臣今
行意君莫疑。固不欲吐走胡南走越。寸心
照白日。知者當識察。為臣語整整亦有語
不可遏。博勞翼短飛且歇。或者致身向倉
卒。吁嗟乎我有黃棘之策。適盈把策子飛

龍龍上下。主恩不報非夫也。

銛吾掣電二刀歌

先伯父亢宗公提督淞軍武勇絕
倫累冶鐵作刀以示牙門校吳英
英曰非寶也不可以試刀有二曰
銛吾掣電焉公曰其狀若何對曰
英鄉事鄭芝龍見獲鳧浮海上芝
龍曰海安得鳧擊之因忽不見使

善泗者索之得二刀刀有文一曰
鈿吾一曰掣電遂異而實之使親
軍負以從出入與俱芝龍敗負刀
者今亦死母老英識其家求之當
可得也公喜與之三百金英去久
之負刀來裹以花布巾曰得矣刀
長四尺本半之光景霍霍眩人目
公以甲覆牛頭試擊之立斲脊裁

血濡縷刀展轉藏諸子家今并歸
別氏矣

山海不足厭金氣。往往百尺飛精芒。蒼龍
白虎故有兆。刀今且幻。獲鴛鴦。清水截然
湛其理。若滅若沒。當秋陽海中安得有此
物。無乃更興也。風濤一旦肆騰趨。九龍失
守。徒倉皇。嗚呼。刀有碧血。慎莫洗。意者厓
山舊從死。

贈張克復有序

克復字文衡棄舉子業就學蘭陽
君子多之各賦所懷以贈

神馬脫羈羈長鯤志遠遊。夫君信古彥龜
勉乃好修。大白固受采。所貴未纁紉。孤蓬
不自直。百麻亦空抽。奕奕田子方。秩秩言
子游。名德襲芳潤。蘭香終見投。魯禹有真
質。一璞分鄭周。前塵莫子及。老矣徒增羞。

東甘澗

東甘澗頭春有水。蒼寒之氣。填空青。夜深
雪。斲蒲團石。時有老狐來聽經。

上方寺

石氣肅風林。嵯峽名峯下積陰。野僧終日坐
晴雪。一春深。洞草絲絲長。山猿夜夜吟。蕭
然對真境。虛白見初心。

古雲根石

兀兀倚天門。莊疑氣象尊。龍騰應變化。寫
立不飛翻。秋色寒人面。青天濕雨痕。野樵
頻指點。云是古雲根。

海日升行壽王夫人

杲杲海日升。照我蘭山陽。蘭山有丈人。卽
邪舊姓王。丈人何所有。皇天俾德敦。屢解一
威鳳不孤匹。以雉鳴。以刑以化。雖將
式儀內外。僉曰翁媪寔藏。解二翁有肥馬。乘

友乘朋媪有旨酒。飲鄉飲黨。歲或不登。戒
佃毋入我糧。解三千錢買百氏。萬錢買九經。
但願子若孫。世爲識字郎。漢有其人曰韋
賢。與平當。解四燈之熒熒。於夜則長。雨之滂
滂。於晝則涼。中婦縫衣。少婦縫裳。魯有其
人。是爲敬姜。解五文錦集矣。不足以將。嘉樂
輯矣。不足以張。結茲一言。託彼鳳皇。卽蘭
山之高。祝翁媪無疆。解六

閏月集張香巖太守結根軒同沈確
士侍講張鳳岡考蕪釋雪亭分賦

得香字

歸餘及孟夏。莽莽草木長。凱風自南來。披
拂百物昌。老懷亦內足。所得皆樂鄉。荷蓑
冒時雨。進登君子堂。舊姓配稗侯。服御宜
矜莊。古琴斷楸梧。寶玉截生肪。座客幾南
金。袞袞清機張。支公解名理。軟語還安詳。

嘉游希洛溪。新里成高陽。天清碧山靜。水
定閒雲涼。遂令枯桑枝。竟罷芳蘭香。大同
信無別。枯苑同其臧。

答陳石閭

自君有遠行。六載爲參商。光景兩不接。日
夕遙相望。君走黃河西。與彼江海鄉。歸來
一何有。所得鬚眉蒼。故人餘二三。耿耿寄
中腸。相逢共前揖。岐路飛塵黃。積懷若邱

山見面都相忘。憶初識君時。次第羅雁行。
三人抱一男。仲也旋中止。一綫繫陳媽。所
恃承蓮房。今茲伯與季。各產雙鳳皇。小兒
解章句。大兒工文章。襟佩擊衝牙。聲韻都
琅琅。暮塗憫老物。萎菘如枯陽。泰伯邈已
遠。無嗣還相當。問我何所苦。白髮飛早霜。
匹夫長孤窮。此事原尋常。我欲畢我語。君
聽勿倉惶。麋鹿久在野。野性彌荒唐。陰陰

廬峯下。鹵莽開草堂。東山種厄菑。西山種
萑薑。南山種黃獨。北山樹沙棠。饕餮肆口
腹。息偃成清狂。大聲無經詠。西水誰周防。
賴我同心友。左右來匡襄。萬石既醇謹。石東村
二馬還通方。大舛及少年事古處更得耶錦安不
長。駕駘駮腰褭。取道誰能量。歸休予陳君。
早與同翱翔。

秋懷詩

蛛絲可以縫。石瓠責其受。作者必有心。度
者亦有守。同心而調聲。可以長安久。扁舟
艤河干。西風吹臥柳。短狐行吹沙。維鮑扇
其後。庶物具本性。舟舷不成扣。
白日不照地。江湖秋水偏。平蕪極千里。心
苑根株連。瑣瑣游龍花。顏色當風鮮。去者
既已矣。來者猶可憐。丹砂倘可煉。奉汝保
歲年。

雞埒降垣衣。塙頭上蜻蛚。桃梗不自期。誰
能怨離別。出門向莽蒼。但見天宇濶。木徒
多不生。魚徒或更活。道逢野狐狸。綢繆鑿
深穴。
蚩尤厄軒轅。應龍爲之翔。星芒爛中帝。女
徒相望。騁目西南隅。攬衣起徬徨。天運苦
逼迫。君子當自強。野火克有時。萬里誰所
當。

陸萑隨風乾。玄駒敵其羸。十年陵茗花。一
旦成萎茶。出亦不得歸。入亦不得歸。遠行
未有役。及此長別離。傳聞陰山雪。昨夜度
金微。
人泛故鄉來。告言故鄉好。故鄉多浮魚。浮
游蓄青草。射的必射鵝。放馬先放阜。下流
乘衝風。能無就遠道。道遠恐莫及。群魚抱
兒泣。兒泣汝自泣。塏墓來歎汁。

我自寬我塗。泰山多支倅。中車息其陰。陰
雪還綵綵。良馬雖善鳴。馬鳴斟酌之。山風
吹汝急。蕭蕭向誰泣。
幌氏凍素絲。潔白如白雪。一入則為黃。再
入則為碧。顏色何新鮮。中有輕塵積。經絲
壓綿絲。辛苦絲絲織。輕重莫相衡。新花勝
疇昔。

蟋蟀息標枝。促織咽悲吟。天涯下暝色。清

響坐銷沉昏燈逼暹夜。黯淡青楓林誰知。
巴陵雨能結瀟湘陰。美人在南國何以遣。
秋心。

黔石詩二十韻

黔州破先大夫載此石以歸舊
有所咏今茲再作

魚爛悲蠻徵鷹揚見虎臣。三驅禽已獲肆
赦政維新。洱海樓船斥。峽關戟井煙。籍初

班。旬服心早格。苗民萬里充。庶使當時屬
老親。瘡痍行歆復。流品正須甄。日月宣高
照。乾坤布好春。遂令

天帝澤直洽。鬼方人去矣。移西土蕭然只
此身。胡床猶挂壁。雨艇不容賓。獨愛黔服
石。偏成席上珍。翻葩垂菡萏。蒸菌揭輪囷。
細竇通䟽脈。蒼皮感古皴。休淖元氣塞。骨
冷雪痕勻。委置誰相賞。飛騰若有神。割雲

升几側。帶水出江濤。越樹珊瑚積。南珠瑤
瑁陳。司城寶珠在。新息譜無因。俛仰嗟今
昔。臨摹耐討論。鬱林遺舊躅。與汝共清貧。

鐵簫引

碧鸞翠鳳鳴青冥。鈞天之樂奏帝庭。應田
祝圉金丁。寧笙磬琴瑟雲和箏。酒闌仙人
玄鶴舞。龍車肅肅。游風霆。中有鐵簫破長
裊。南飛萬里從巴陵。野人何心妙感名神

物一旦相合併。伶倫截竹舊有制。冶鑄不
信如天成。螺旋作花綠沉色。五音中孔含
虛靈。秋天空白夜色青。吹之幽響波冷冷。
商聲金氣理相應。酒鎔龍劍都爭鳴。噫吁
嘻。安得舜祠白玉管。持以和之。和且緩。蒼
梧洞庭雲水滿。韶箏一聲天地善。下視仙
人壽命短。

七月十六日月夜泛舟北渚聽楚客

吹鐵簫雪上人彈秋思琴曲

江寒秋水碧。水烟買醉江樓。費酒錢四十。五年頭白。盡爲君重上木蘭船。

蕭又蒼茫照渚。漁月滿輪。白岸沙虛。臨淵倘捕獲魚出。託寄相思一紙書。

昨夜秋風下白檀。菽花如雪露成團。鐵簫莫弄清商曲。多恐仙人翠羽寒。

陰蛩唧唧螢火青。孤琴靜夜鳴烟汀。可憐

百尺蛟龍窟。只有游魚水面聽。

秋日過存朱抱光

閨若無人處。籬門蝕軟沙。一絰寧離席。朱

易頗造聖室竟爲家。廬墓此野色青苔合。秋

風白豆花蓼。我詩不廢。緣子一興嗟。

雙峯

碧山含萬態。秋色轉閒澹。木葉淒無聊。一
二丹黃染。虛襟謝塵役。登頓耐幽探。一峽

開天門。幾峰肆陰瞰。跌雪泉垂虹。張風石
如帆。趣洽險陡臻。形標理無歎。良馬忌百
旋。龜笑惡再三。心境兩相會。嘉遊屢不厭。
蕪門倘可即。悠然結沫念。

法藏寺

至味伏餘甘。修塗引紆走。沙石犬牙齧。人
遵虎行路。聲陰塞叢莽。壘荒立枯樹。野風
來蕭蕭。若與山鬼還。道心不自鎮。白日生

恐怖。唧嘈諒終古。中乃具百度。古瓦棲圓
椽。丹華脫桓柱。龕燈久無蕊。遂爲靈狐据。
生滅信更事。此理長不住。大地接慈航。
寺前有法船石。風波卒誰渡。

高寄亭

大白懸秋陽。石門掩素色。崇高易無援。虛
無見蕭寂。萬壑各有受。孤亭此沫宅。隈隩
妙天鑿。品無從近逼。乃知無爭懷。君子寶

其書。

亭為寶書主人構。

揮手招遠雲。相期宿巖仄。

黑龍潭

一峽陰森會靈府。左龍右雀守門戶。沈潭浸天如仰釜。十丈蜿蜒飛瀑布。雷霆碾空有餘怒。夫人耳目何蕭閒。秋花錦石隨時數。

八月十五日夜與葺上人新亭待月。海色上青天。風烟萬里懸。氣分秋一半。日射月孤圓。華燭金尊倚。高歌錦瑟傳。澗西

亭子上。支許歎蕭然。

金盤一線移。玉匣半輪歌。此夜無羸縮。遙峯有蔽虧。固知行太速。且信滿能持。楚客衰遲久。無勞照鬢絲。

九月五日溪上看紅葉

清溪十餘里。樹樹紅珊瑚。此意含搖落。秋山入畫圖。牛羊歸路細。鴉鵲暮巢孤。垂老幾愁眼。頻看日月徂。

秋日小集牯牛精舍各賦一物得樹
秋山轉妍淨一一樹新紅天地有寒意闌
河正壯風色渝霜露下理伏盛衰中倚杖
貪看汝誰憐白髮翁

九日同歲上人登松山

離菊生花強作春山霜折草已經旬拚將
愁緒當今日誰遣秋風健病身高會幾迴
蓬鬢改荒塗一往古情真不須千載論前

事回首松雲迹便陳

近祥觀古柏

驅車獨樂河河上餘秋村麥田無秋苗白
日荒雞豚村中何所有高觀朱其垣前有
朝真閣後有凌虛軒當軒一古柏陰出聚
孤根枝撐老蛟角皮蹙修蛇鱗兩雪香深
凹生死青苔痕神明且內膏堅強遂中屯
此物固不死安賴邱長春

碣云世亂柏死邱真人
撫之遂復生

荆氏有衆木。誰能令暫存。

靈泉寺

秋水不成谿。修渠直南瀉。山塢得江鄉。畦
塍忽橫野。沙迴高柳盡。丹暖見蘭若。到門
無人蹤。群雀噪古瓦。柏林棲西風。蕭々秋
雪洒。象教寢以失。此身誰復捨。水耕而火
耨。生利長假。日暮雞犬喧。縣帖下旁社。

同馬滙川上謁寶晉齋奉和主人作

縫掖深衣大小冠。相扶相逐步蹒跚。烟波
鷗鳥。獲情狎。秋雨蘼蕪一色寒。鄴下才誰
驚幕府。市中人竟老邯鄲。行藏頗似殘書
史。只有河間掇拾看。
冰簟湘簾氣象殊。迨迨真見盛文儒。詩壇
誰敢先牛耳。藝苑何妨試鼠鬚。淮海微禽
今日化龍門。幾鯉一時俱。邠枚不敵相如
勁。作賦梁園授簡無。
賓客謝香祖
適陪遊

春燈夜曲詞 寧王席上作

錦錯珠懸洞戶幽。飛瓊含態倚瑩篴。天衢
夜氣平如水。步上仙人十二樓。
向向芙蓉上晚燈。疏綺緩節扣紅冰。南湖
烟水無消息。魂斷吳娘唱采菱。
吳聲清怨西曲妍。江南之歌尤可憐。爭如
玉笛翻新調。人在梅花楊柳邊。
掌上鴛鴻簇舞筵。漏沉寒水月沉烟。謝鯤

老去歌懷減。錦瑟空張五十絃。



國家圖書館, NATIONAL CENTRAL LIBRARY, TAIWAN, R.O.C.



曉巢後集

詩

贈醇甫姪

吾家綴荒緒。後起誰飛揚。愛子矜自持。好
修以為常。孤雲遠鶻風。高鳥善周防。相逢
潞河曲。四鬢聯秋霜。老泪飲羸博。時命還
相當。子與醇甫年齒出處畧
同而又皆無子子將采五步。於

廬青山人李



彼山之陽。倘逢石室人。一爲問尸鄉。

將之蘿村約。婿兩赤從子。醇甫偕遊。
盤山先東西澗上人

烟莎無人。沙際綠。桃花開。春報春。屬整我。
青絲鞵。紫騮。與君東西徒野游。傷心之人。
以愁洗。愁昏。則臥辰。則起。山中有人多自。
喜。及早從之。二三子。

吳雲曲

吳雲楚雨音塵斷。津草江花去人遠。鷓鴣
呼。鴉鵲。返白沙的的寒烟晚。挹鬱沉吟。
中有愁心。所思不來。辱彼青襟。金簫玉簫。
前歌後謔。夜以繼日。誰知路遥。碧海曲。清
江頭。千里萬里。恣遨遊。魚龍出沒。風波惡。
藉爾沙棠一葉舟。

清明日 寶音殿下重過蘿邨值 銘

養疴潞河不及延款再賦四章用

誌勝懷

不信山鄉僻。頻煩到水西。楚雲如奉引。春
酒肯重携。仗辟鳴騶遠。花梢委佩低。石苔
新著雨。得意幸留題。

玉樹標風骨。水壺寔性情。又從天上落。直
作越中行。細草還承藉。青山自送迎。無人
會微笑。林下有新鶯。

踈薄新亭子。支離舊華門。豐頰容暮齒。那

得駐高軒。世俗讓多閱。天機易所尊。請看
章甫貴。再辱到蘿村。

蕭散花谿曲。曾令逸思偏。千秋應有述。一
顧已爭傳。擁篲虛今日。開樽憶昔筵。相如
真病渴。猶冀孝王憐。

喜晤西澗上人

時予與上人
并初病起

握手各無恙。相看垂暮年。病消春草後。心
定落花前。葯裏原多事。詩囊亦偶然。支頤

雲壑底。爲誦達生篇。

招提寺

荒絕招提寺。淒涼騰佛尊。穴穿山鼠鬪。巖
女蘿翻苔繡。懸燈石人烟。報水邛。過崖甃石
寺盛時懸
燈其上。燦如列星。寺南有石井。穿巨石三。
丈餘而得水。山下有報水村。此心初不任。
往者復何言。

千像寺石台坐月

春霧不肯斂。春風且復吹。石台徒迴絕。野

色自迷離。天欲開良夜。山如捲薄帷。月明
香界澈。人坐碧琉璃。

登松門

客屐隨風花。繚繞松門陰。松門裊雲磴。所
得窈以深。此逕洵無媒。千載間至今。緬焉
攬清眺。獨立中沉吟。生與憂俱生。有徵當
自尋。草木具至理。天地含貞心。浮雲移海
色。崇朝聊滯淫。

哭馬滙川隱君

一病垂將殆。頻勞問老夫。

春時君日候子疾凡十數過

如何越溪上。翻報謝敷徂。寄食留妻子。閑

心失畫圖。

酷嗜畫藏名蹟甚夥

招魂數行泪。容易洒

青蘊。

少小傳公子。蕭然獨任真。千金潭脫屣。一

卧竟終身。大鉞庵誰主。雷谿水自春。

大鉞庵雷谿草

堂并故山

床頭散詩句。莫近覆瓿人。

清越精舍集

暮齒恋餘春。流光坐飄忽。誰能消此憂。清

尊賴君設。虛檐下古翠。竹石滙深潔。况有

江南客。成削見風骨。登壇牛耳執。析理鹿

角折。寶金氣必躍。干莫竟獲揭。亂絲無紛

縈。白玉快生截。酒酣一起舞。有懷為君說。

濯。可離花。顏色白於雪。采花不采根。明

日成萎。樹德毋淹留。馨香其早發。

布穀

布穀布穀。汝從何方來。上我枝上鳴。感汝
意殷勤。勸農耕。水田能種稻。旱田能種稷。
八口命所託。安用嚴其程。五月陂塘乾。草
色猶未青。布穀布穀。汝鳴且山。水窮其源。
木亦其理。東海嬾龍如不起。跛馬盲牛聞
欲死。

鳩父

鳩父鳩父。汝語何苦。汝婦何所。胡爲只喚
晴不喚雨。沙田乾尺半。有種不得下。大荒
無人。秋風高。恐汝獲翼生。蒼毛惡心厲。氣
成貪。一夕化爲鷹。反且仇其曹。

百舌

百舌百舌。諸諸緝緝。聲誰應之。悲愁救邑。
去秋新禾栽上場。大斗小斗償私糧。三冬
賴糠覈。食尽仍空倉。今春不雨遂無麥。旬

貸從人多不得。病妻病妻強自起。明日城中賣官米。

寄州牧杜補堂

流民既賑撫。居民不惜倉儲出。散頻豪猾市。中休龍斷。徧教里閭沐。涑仁老媪踉蹌少婦扶。青錢爭糶米如珠。夕陽十里州門路。早入鷲心鄭使圖。禾初播種麥全荒。一雨農歌遍四鄉。父老

謾愁征調急。杜詩今日在南陽。

秦晉

西北巖鍾紫塞環。迴臨形勝扼嚴關。壞已陸海膏腴外。勢壓諸侯肘腋間。師曠清商移濮水。祖龍行殿塞南山。於今秦晉風霜早。八月沙場白鴈還。

無可奈何歌三章

蟬翼鳴而口鳴。無可奈何。淵淵是主。誰爲

之病無可奈何。陽紆陰薄。雷怒濤涌。無可奈何。莊嚴照臨。而無射有命。無可奈何。或言制之寔勤。布之不敷。無可奈何。厚增其兩。而薄削其銖。無可奈何。輕重既均。矢則調矣。肉好既平。譬則酬矣。有岐在阻。而莫此之繇。無可奈何。傷家黃河之水。不可以西流。無可奈何。琴鐘滿堂。華腴未收。無可奈何。仙人在虛。無難可

與訂期。百裁之後。急汝兕謀。無可奈何。悲命之不長也。難可與訂期。

種綿婦

巧女工治絲。治絲多其端。既為繒與帛。復作綺與紉。柔滑適一身。或使天下寒。里婦勤種綿。七月吐新花。三日紡作線。五日織作布。珍重里中兕。裁衣復裁袴。

種瓜父

生民重口腹。三日不食死。耒耜斲義農。耕
稼匪得已。老父貪種瓜。種瓜利倍蓰。我欲
斬瓜蔓。盡播糜與芑。寸田失其宜。十戶且
飢餒。起視匏瓜星。熒熒玉繩裏。

果羸

果羸果羸。類我類我。汝煦嫗之。七日亦
可。神行氣行。衡陰陽。聖人嚙我庶氓。

素蘭初花對之有作

高天下清露。表裡湛空碧。衆草淒無聊。孤
芳乃新坼。獨立一何遠。幽香竟誰夜。夕
秋烟深。湘雲淡無迹。抱情雖自足。涼風動
蕭索。極浦淼微波。佳人未予隔。異体而同
心。相期守貞白。

杜井篇

杜果齋分司天津仁萌菴民德
之嘗鑿井大孫莊施利濟功其子

甲嗣牧通州行憇井側聞父老嘖
嘖道改寔乃知其井為^其先人鑿昔
西門豹穿鄴渠鄴民不忍改其度
井之在今且貳之矣甲精白有幹
略懋蹈前烈必將有以繫民者

畿甸活水津分司杜君賢何以比杜君不
比名信臣何以比杜君即比君家南陽使
君^一解水寔有性柔順克堅民實有生厚生

維先順其教而導之唯杜君稱神^二解杜君

於後當康熙年詢問里疾苦懼或因我黎

民時用鑿井^三在大孫莊前^三解大孫地沙城苦

水無甘泉井獨甘冽無比倫灌溉滋育膏

我^四遠^四近^四解甌甃甃井口白石焉井闌澤并

樊惠不敢或湮匪井係^五我^五思^五杜君千萬

春^五解

過訪陳石閭辱贈以詩賦答

三韭當前席。負深庾杲之。數椽聊負郭。獨立款從誰。芳草馨香在。秋風慘淡吹。思君若朝食。不見即調饑。

古鐵不中律。清冰一片寒。來詩有前身老 絕 銜龍句故云

無當世用。或受酒人彈。離合悲同調。親疎

繫所歡。誰知交接意。行路自漫漫。

八月六日過石氏村居因即留宿

恍惚青門路。林洞帶野烟。井湮楸樹圓。籬

新豆花田。絕似前身境。裁過十五年。應門

小童穉。高已及人肩。

玉匣封簫管。金泥敗綺羅。迴憐遊賞處。正

屬感傷多。故事茫無著。愁心此重過。漢南

他日柳。強半臥晴莎。

薄宦趨雞肋。幽魂化鼠肝。陳橋洲之官蜀西陳 衛瞻寄葬村北皆

舊遊侶 死生都覆落。貧賤各艱難。墨漬曾題

壁。藤昏舊倚闌。小巢仍好在。憑藉一枝安。

齋名樹下巢
故無恙

新月照虛牖。陰蛩如弔人。息仇誰國士。漁
釣委天民。白髮書全廢。秋風劍不神。萬端
方蝟集。已矣莫重論。

秋園漫興

朝來新絡繹。啼上金井欄。物固有其候。誰
能易所安。石蘭終古潔。雪藕一生寒。桐樹
秋風底。空悲清露漙。

蛺蝶

秋色無遠。近蒼然。生野烟。翩。雙蛺蝶。飛
下菜花田。物理寧偏薄。天時有後先。雪霜
如不落。與汝共長年。

過朱抱光幽居

百穀新登圃。三農報有年。近郊多樂土。喜
色滿秋天。種德寧論獲。斫幾重所先。西河
古君子。門迳獨蕭然。

集秋圃分賦 得秋字

蕭晨不成雨。高會此淹留。賴有古歡在。兼
茲小圃幽。人誰惜芳草。天亦愛清秋。所以
羊開府。嘗爲峴首游。

八月廿有五日塞曉亭侍郎趙畏之

露士曹烟廬秀才來賞素蘭因即
留宿各賦一休得七言古

金商八月開。沈滲揭車杜。若蕞芳消雪。香

抱心蘭後凋。秋風被之寒。蕭。大白內歛
神外超。諸君素衣如。久要月兔動。盪生烟
交。即之不遠情。則送洞庭木。落君山高。

九日登靈山寺

七十二飛泉。飛石躡邊風。烟當九日草
木類江天。此地鄰邊徼。人家多稻田。厚生
民德在。不待教書懸。

秋谿

山意肅清霜。秋水白於月。空色自動蕩。縈波時軋沕。乃知精一理。能使衆妙滅。人生順化遷。不死蓋妖物。菀枯任所集。天和貴無滑。木末迴涼颺。商歌亂初閨。

九月十七夜月

不諱蝮蟄食。夜來月蝕清光轉欲新。由來今夜月。真似古之人。星漢沉踈影。山河倚一輪。幾回延佇意。俛仰媿殘身。

遲醇甫姪不至

知君有興歸巖壑。擬把長鏡剮紫芝。芳樹欲寒秋又尽。白雲無阻意何遲。葛洪久報辭仙令。嘗爲平江令自罷去梅福真能飲上池。宿好養生術笑我衰殘毛髮改。修除生壙已多時。

石堂獨步

寒山不知數。是處合虛烟。險僻常衝虎。深巖若上天。地留初古在。人老十年前。洞口

桃花落。春流莫浪傳。

自響雪瀨。緣儵溪。至振衣岡下。

寒水帶餘秋。凝陰滙綠。佳興羅老懷。能無
散坐躑。石靜瀨則喧。心夷步翻局。所歷忽
云遙。登頓耐紆曲。溪迴耳目移。霜葉絢山
和野風。徐蕭颺。衰颯振群族。如何無鳥境。
亦使萬態足。平生寡情慮。此意固已蕩。寥
天入安排。繫子整初服。高雲諒無方。悠然

同往復。

余葦園許我爲。西江山圖既而南歸。

不果及。再遇長安卒。出圖見贈。且

索我詩賦。此答。

大江畫斷秋山色。空翠如烟繞江國。草簑
鉄笛沙棠舟。有客夷猶舊曾識。余君妙手
能奪天。還鄉四載來。坐燕雲飛水立。不得
駐袖中。青出江南山。真宰連心氣。機走古

趣從之入深厚。沙頭灌木葉有魚。晷點寒
雲。仄步。衰心。故步。循所安。夜長路遠魂
艱難。君提精。兔出。灵府。側身還在江之干。

屢招王清遊不至

能画王摩詰。清夷絕等倫。如何愛山水。翻
恐離風塵。黃葉夜來下。繁霜十月新。珊瑚
餘寸管。点染向時人。

我室六章四章章八句一章十句一

章九句有序

蘿却負山六家。比閭俗淳簡近古。

作詩以紀之

我園伊何。有董有蕪。我室伊何。有父有母。
父鉏我田。母舂我臼。八十之年。藉用抱我
子。

網而不網。魚先具慶。孩提無知。女豫其歸。
軫軫于吐。綢繆于窳。少長我家。凡百是蹈。

何以果我腹。飢則稷斯。何以適我腰。帶則葛斯。惟天在上。惟地在下。予樂則歌。用自勞去聲苦。

彼歷異視。不食邛邛。果羸一致。乃負桑虫。有衣在篋。人可以被。有牛在牢。家可以犁。恣刈恣穫。矧彼錢鏹。黍稷既糜。中田有瓜。寄之於野。不啻於家。昏有羈矣。無他之矣。婦則炊矣。兒則簞矣。

蹇則爲爾縻矣。雞豚、兮。狸或標之。犬狺、兮。虎或勒之。戶不夜扃兮。垣不周繚兮。十世勿遷。曰予無外擾兮。

五十九初度作

前六十年無所謂我兮。後六十年無所謂我兮。當其有時。勉求其可兮。

訓陳師晦

結言委晨風。遠翰還東飛。戾止河之干。用以慰羈離。羈離何足道。戡月如懸馳。寒蕪雜霜原。老馬不孱肥。汎愛無擇交。辱子深相知。咏歌一何長。愛惋溢其私。美車澤如鑑。馭迷宛洛兒。寸心苟不入。丹粉各自施。誰能去故鄉。宛轉如脂膏。

十一月十四日夜杜補堂州侯招同

張鳳岡孝蕪洪東閩縣宰登文昌

閩省月分賦

人生快意不易得。看月南樓有今夕。寒風蕭々暝色下。埤垧臨高淨如拭。孤城乍沉深巷火。殘雪遠界荒村黑。須臾海門湧玉盤。一髮猶虧未生鬼。嘴觶黯淡參旂張。約束飛輪竟橫轢。金鷄不唱赤伏鳥。若有若無霜意白。此時天地揖群動。元氣網緼自消息。南陽使君習焉改。望見編氓安枕席。

玉缸春酒此共泛。夜游聊示無鳥迹。座中
張華善史漢。服古千秋信無敵。奕朗兼推
陸浚儀。不特仁慈播殊績。自詡愚老不愚。
治蒙能受高明擊。浩歌三五且尽醉。頭白
幽憂亦何益。

十五夜杜補堂洪東閨再集壑舟屋書

昨夜月明今夜晦。及時行樂何妨再。二君
有興重相尋。荆扉小犬迎人吠。高城老屋

寬隘殊。舍境從心不成累。晚菘嫩白濁酒
紅。怒物何曾責兼味。酒酣起舞人影亂。滿
月雲中肯終沫。金波盪地大壑凍。鱗枯
林動寒吹青天。西迴衆星走。虛舟自住浮
沉外。世間萬事多不齊。寒暑推移乃成幾。
君首古來賢達人。盈虛動靜都無礙。

贈陳羽士

一切心無著。平生愛讀書。此中尋要妙。不

足累清虛謀食漁樵後還丹性命初芒鞋
無踐跡霜雪竟何如

甲子長至作

歲甲子元之始一星五終順其紀日辛卯
極黃道今者昏奎古昏昴天地交讓陰氣
蒙氄毛鳥獸潛魚龍狼駮山頭赤輪駐但
有廣漠來寒風當此而雷雨解作草木甲
坼阜物阜物豐自物無之有元化闢是來妖沴

與淫慝容成將迷大恍惚氣交辰會各有
時不剝而復杖安施靜以養正維網維聖
人于此真無爲剝彼陰木取竹箭扶陽柳
陰理可見殺機未殺生意生環中底蘊天
心善

臘

舉廢誰令到戡時多時伏臘罷相推百年
頻見循終始五德無由紀盛衰陽管自生

今日律梅花私破雪中枝。會看春促窮陰
圻野老何曾減舊悲。

游仙

九天金氣接崑崙。虎豹嚴司上帝閭。青鳥
真能致言語。燭龍各自建朝昏。明河帶爛星
如水露寢憑虛宿。有根一瓣荷衣三十丈。
中流歌吹夜朝元。
憑凌樞極蕊珠宮。仰止蒼茫不可通。虛見

星辰環翊衛。坐令天地闢鴻濛。神龜息食
千秋雪。舞馬班鳴八月風。瀛海無垠還待
舍九州都在太虛中。

冰雪仙人十二樓。芙蓉青嶂插丹邱。珠闌
玉池魚龍宿。鑿帶金缸日月浮。織女錦張
河鼓側。夸娥山措朔南陬。瓊林落木飛無
數。側、朱絃應晚秋。
雲擁蓬萊五色披。碧沙如掌路逶迤。驪珠

照乘飛瑤象。仙仗分班下翠甃。邃古衣冠
猶及見。明堂鐘鼓未湏移。小兒爭首東方
朔。玉母筵前進酒卮。

正月十四日夜看王清遊畫高房山

山水

王郎秀整風骨殊。能把枯筆行崎嶇。筆有
伸縮神則舒。有時空白一筆無。紙角萬里
開江湖。正月十有四日夜蕭齋對我青燈

孤機趣斗變百灵走。太障薄蝕白芒初飄。
風吹沙水氣黑。託興乃在高尚書。瀟湘之
雲襟細雨。楓林漁火都蕭疎。此時夜漏入
深寂。明月滿地頭。藜鋪鹿有岩。儵有溪桃
花十里紅不齊。秃毫破墨許重携。首君磅
礴坐白石。更画雲林雪瀨西。
鹿峇儵溪響雪瀨并近蘿村

缺齋歌

吾聞月二十九昴常虧。日十一時而居昴。

大明不終。有物或食。雪見晁而消。星向晨
而滅。蓋側倚而不平。樞斜運而不直。真宰
固在天。夫豈不自克。黃河之水。汪而不流。
太華龍門。可無擘。天吳海若。何所司。忍彼
尾閭。漏西隙。何以使天柱折。地維缺。致斬
鰲足。撐六極。吾又聞龍魚耳。虎無翼。鸚不
變。麟不齒。神龜智死甲。宛轉受剝。物既
抱陽以負陰。安在彼豐而此嗇。吾又聞堯

子不肖。舜父不格。伯禹無以救絲。秦伯
不得嗣。夷齊坐失國。彭咸沈。膠鬲斥。伯奇
放。子伋殪。聖忠賢。孝豈非道。跼蹐動焉天
所厄。深愁惑千秋。阮塞挂胸臆。六月陟陰
山。層冰晶難釋。吾將問諸有昊。有昊不對。
問諸有土。有土辟易。頭髡齒豁。歸去來。禿
樹當門。山石裂。

班馬嘶送別石東村

班馬嘶、何所之、喜君有此行、而心傷別離、
吳江之西、楚水東、長魚得水化爲龍、山風
下來澤氣蒙、吐我澤物如枯藁、待君旋歸
君我與、山鬼爲我司門戶、

朱抱光過我且携寒玉琴、見遺留而
不有行且歸之、

有客冒春風、遺我寒玉琴、初無七寶裝、靜
德何惜惜、此器非自然、乃足生人心、子母

授我器、可貴通我音、妙神乘聰明、存者求
其深、微聲東南來、扣彼嘉樹林、三日晤對
之、七日復沉吟、

吳中二隱詩

有序

吳中二隱君、一爲賣餅翁、玉來珍
一爲小兒醫、王建初二君、雖混跡
駟儉而吳傭、賣書船曾未離其門、
頗爲有識者、闕之蓋古逸民之傳、

興

高雲無媚姿。風江多橫流。所趨既殊異。通塞隨所由。吳市雙隱士。倏淡無匹儔。一心不二迹。遂與屠販遊。越人善隨俗。趙攻耶自謀。大白蒙其污。死鬼臨高秋。徘徊岐路曲。張目懸深愁。渺烏望天末。所思隔滄洲。將之蘿却陳石閭。寄詩趣我良會賦。

答

親知老去。關心剝。愁病春來。累足多。懷古賴君猶在。健思鄉有客。近何如。來詩及石東村與其弟橘洲江流安穩。勞孤望。山雨淒涼。笑獨過。好會鳥誰成阻滯。此生無事不蹉跎。

二月二十二日

慎王過訪蘿村猥

蒙留宿。魚賜新詩。適錯居浴。無緣

奉陪。敬和二律

荒林危石擁孤却。沙草春來直到門。敢擬

雲中迴赤舄。爭看花底駐朱輪。高懷絕俗
誰方駕。虛館無人辱降尊。爲問茂陵多病
客。可曾在節詣文園。
雅容僻地兩相忘。木榻茅齋了不妨。寄興
自携桑落酒。好賢寧數武寧王。龍蛇蟄伏
春潭黑。日月低回大澤荒。老馬未填溝壑
在。嘶鳴常是向孫陽。

一選

因誰數往還。三三連入谿灣。春草自然綠。夕
陽相與閒。境移喧寂外。心在有無間。蹤跡
吟何點。人爭踴大山。

杏花下作

畧攘江梅白。沿溪倚暮烟。一枝已殊絕。况
復是無邊。辨土宜斯物。謀生勝石田。焦螟
小天地。消受睫毛前。

喜客至

新流前夜消陰雪。小片朝來落早花。春到
寒山有深淺。溪臨行徑自歌斜。衰年習隱
烏皮兒。好客勞迴白鼻騮。款接尚堪供二
盞。豆苗初蕨滿虛沙。

同人遊黑龍潭

逸興逢場羞敗垵。拄杖隨人探幽仄。行歌
數里老且能。未肯因緣便休息。青山初叩
半輪日。一轉陰曦變深黑。虛北空繆自有

聲。柴柵支撐動稍格。盪胸斲石橫欺人。折
棘枯枝皆勁敵。湏臾入峽勢愈促。瑛續真
疑臨鬼域。芒鞋踟躕不敢下。兒童股栗無
人色。快遊履險乃成趣。恐悞多能求定加
此時群動都闕然。空天倒垂三五尺。沉潭
但見渴龍赴。就下從來水之德。水德千秋
長畫一。激則澎湃洶平則寂。吾衰髮脫齒且
空。剩有此心如宿昔。

蘿印暮春詩 有序

乾隆乙丑夏四月朔西澗藏上人
琅邪王清遊暨從子醇甫勤兗游
衍蘿印天機既張真趣自得時落
花冥々飛絮和之大同之懷物我
無間信足樂也夫魚游江湖與之
相忘何有于相吹相煦哉韵用本
題各賦五字詩 得暮字

殘春等歸客。急欲辭我去。山意却餘寒。栽
綠簾前樹。僻境後天時。幽人亦殊度。嘉德
無二三。相知各以素。新雲蔽虛壑。低徊偶
然赴。削智荒聰明。真賞非外遇。息心況有
徒。清機喜冥悟。蜉蝣拂輕羽。鴟鴞怨遲暮。
感往而嗟來。時時見新故。飛絮禰落花。誰
能使之住。

藏上人信宿山莊既還西澗後却寄

霜毛海鷗久空群。妙相蓮花自有文。一杖
偶從松際下。亂泉還向澗西聞。龕燈焰薄
魚龍宿。齋飯香殘雀鼠分。山北山南數來
往。此身初不離層雲。

王清遊烏我作蘿村圖賦贈

易叔南華相野。畫筆縱橫妙天下。烏我競
作蘿村圖。雲壑風泉意中寫。清遊王郎更
豪上。天子聰明事閒放。平生愛画入骨髓。

一木一石皆奇。狀跨驢來我山之坳。拱奇
選勝窮毫毛。筆閒墨飽不肯選。揖神三日
焦螟巢。忽然落紙飄風急。落花蔞絲帶烟
濕。洩灵竟奪天地真。山鬼能無夜深泣。

謝查承齋饋新茗作

才品稱雙絕。而能愛此身。大江秋量濶。尺
玉碧華新。一意存幽澤。多君避要津。寒泉
餘正味。早作寄茶人。

復故宅寄杜補堂使君

十年飄蕩困長貧。老屋重歸未死身。偃仰
但期容几席。周旋還復賴鄉隣。洲荒橘樹
漫移主。廬邊蝸牛若有神。物外誰爲戴安
道。眼中真見却嘉賓。

十月篇送秦味絰宗伯

賜假省親

維乾隆十年十月之八日。臆輪一何駛。秦

韓南發奏公
公者善蹟。古彤伯秩。天衢南雲飛。暫爾去

金闕。獲旌賜。吐風喜色若高揭。步者死負
擔。乘者止銜。檠行者駐行李。居者履棟梲。
愕眙相指頷。一老前致說。此公少年時。爲
行見其寔。前不見竅。後不見斧鑿。解官
贖其親。遂與媯皓一。至誠能格神。深仁肯
中道。皇々聖明朝。遠量表宏達。
天心和大同。不使一物缺。公今未五十。親

壽已耄。耄諸父與二昆。各已登黃髮。一朝
賜者親。愈益著光烈。錦袍爛如雲。玉佩白
於雪。絲几黜有光。藜杖輕且直。雍容一堂
中。斑斕爭統膝。豈惟宗支榮。且使鄉里悅。
路人聞此言。感嘆不自輟。夫誰無父母。貴
賤豈殊別。胡不早旋歸。力養當自竭。秋水
無二寒。夏日無二熱。人心當其同。凡愚齊
聖。招聽我十月篇。將爲來者述。

十月八日 寧王過訪敝廬兼采異

菊見賦詩十韵敬謝

高柳初搖落。衡門野雀啼。
聖朝符雅化。一物遂幽棲。鄉井聊隨俗。樵
蕪自有蹊。長鑱黃獨在。孤分紫霄睽。孔蓋
誰相引。鳶車路豈迷。惠然來領問。逝矣辱
提撕。芳草下寒色。秋風到水西。遭逢醴酒
後。消受菊花携。宋玉悲如昨。邠陽事不齊。

忽覩塵障却老眼得金鏡。

題紅樹

木末青山萬里看。西風吹雨路漫漫。無端更上高樓望。一夜相思木葉丹。

往予任飛平過薊門讀州牧錢君碑始識
廌青先生名繼晤藏山老僧知先生隱盤
陰廌峰下辛酉秋量移潞聞城西有高如
意亦先生儒物色之再而後得見乃即所
謂廌青隱君蓋往來於盤山路水間以恣
其徜徉者也先生嘗以詩名及居潞得時
時見之質所疑乃知不僅以詩名也嗟乎
先生老矣雖然使得抒所學必當與古人

接項背。而今者竟以詩傳予。洪東閣刊其
初集。然多少年之作。吾家少陵云。老去漸
於詩律細。予復刊其近詩。爲後集云。
乾隆歲次乙丑秋。卯上杜甲補堂氏跋。